

剡源鄉志卷十四

奉化趙霽濤 醉仙甫纂

列女傳

清同治光緒朝

陳氏斑溪僧生董家裕妻年三十五夫亡守節二十六年同治元年卒年六十當道以節著霜筠獎之

周氏西畧王宗成妻年二十九夫亡其母欲奪其志周曰女幼聞母訓謂一家女不喫兩家茶有諸母無以應守節十八年同治元年卒年四十六光緒二十三年旌孫氏康嶺康運位妻運位素染疾孫調理藥物一息無違如是者四年及疾大漸運位以翁姑託孫孫諾之歿則喪葬盡禮且使二老有杖履優游之樂者皆孫之力也撫猶子如己出宗黨交口稱其節行夫故時年二十五守節三十一年同治元年卒年五十四光緒二十四年旌

剡源鄉志

卷十四

列女傳

一

丹山赤水洞天 剡曲草堂印行

毛氏三石趙智端妻年二十六夫亡凡汲水灌園之事以一身任之守節二十二年同治元年卒年四十七光緒二十三年旌

穆氏公塘唐肇儀妻同治壬戌四月十四日郡城克復敗賊擾鄉穆不及避大罵而死

韓氏亭下單仁材繼妻同治壬戌四月十四日郡城克復敗賊過境韓不及避見賊罵不絕口遂遇害

張氏剡界嶺許永修妻同治壬戌四月十五日郡城克復敗賊過境張見賊追之急手拾石擲之賊放鎗洞貫心胸而亡

趙氏六詔孫祖緒妻同治壬戌四月十五日郡城克復敗賊過境得趙欲污之趙大罵賊怒碎砑之

曹氏公塘唐緒瑞妻同治壬戌八月二十七日粵賊入剡源曹避在山賊搜至避所攜以同行曹以掌擊賊頰遂遇害

竺氏公塘唐肇崧妻同治壬戌八月二十七日粵賊入剡源得竺竺以口咬賊臂不放賊以刀戳其口而殺之

王氏塔下曹章浩妻年二十三夫亡守節五十二年侍奉堂上供養不衰撫猶子逾所生越五年翁歿服衰者五年有半或怪之王曰吾代夫服也是年姑歿服之如服翁之喪後竟以縞素終其身同治二年卒年七十四光緒二十三年旌

單氏沙隄樊忠武妻年十九夫亡單抱尸而哭尸忽起而走狀貌猙獰單毫無懼色以手推之而仆蓋相傳陽氣自足心入尸即起立能撲人致死亦單之正氣足以敵之也撫孤成立守節六十年同治二年卒年七十八光緒二十四年旌

陳氏石門武生毛春木妻年二十四夫亡以守志自誓閉戶紡績鄰里罕見其顏色撫猶子成立同治二年卒年八十二邑令曹侯旌其門光緒二十三年旌

毛氏黃沙阮丁賢友妻年三十一夫亡暗自飲泣恐姑聞而動其思子悲也至子各成立猶縫紉不輟嘗拾人之遺穗以活人稱之曰可憐太婆守節二十九年同治

剡源鄉志

卷十四

列女傳

一一

丹山赤水洞天
剡曲草堂印行

一二年卒年五十九

竺氏沙隄樊守真妻年二十五夫亡守節四十五年同治二年卒年七十九

葛氏董村佾生竺凌霞妻年二十適竺纔數月頓失所天悲不自勝以翁姑年邁曲意承歡撫猶子尙未成立堂上相繼謝世日夕哭泣同治三年抑鬱而卒年三十
一光緒二十三年旌

王氏巖頭毛恭輪聘妻萬竹例貢生忠介之女同治四年恭輪年十五遭危疾而卒王聞之欲奔喪守志父母力阻之王痛哭不食五六日親屬勸慰之始日進一二勺而日夜防閑甚至越四月防閑稍疏乘間自縊而死時年十九

董氏晚響嶺施行水妻年三十四夫亡守節三十五年同治四年卒年六十八行水弟行順妻江氏年三十三夫亡與董氏同心矢志同治十三年卒年七十六均光緒二十三年憲旌

康氏六詔孫祖緯妻年二十六夫亡遺腹生子夫兄弟以其少艾諷令改適百計誘

之康矢志靡他備嘗艱苦守節五十一年同治五年卒年七十六曾孫達成邑諸生光緒二十三年旌

樊氏住嶺胡美閔妻年三十五夫亡守節五十一年同治五年卒年八十五學政周公以冰霜比潔獎之

孫氏石門毛榮道妻年二十七夫亡守節越半載鄰婦亦失所天將託媒擇人孫曰焉有夫骨未寒而去者乎蝴蝶夢可鑒也後卒爲節婦同治六年卒年七十六道光二十八年府憲徐獎曰松筠著節光緒二十三年旌

江氏巖頭毛仁波妻年二十一夫亡守節一十二年未嘗跬步出戶庭同治六年卒年三十二光緒二十三年旌

王氏董村宋曾煌妻年二十五夫亡王適病產未彌月強而後起託言口不欲食將絕粒以殉姑勸之再三始進食平居操作常握左手不令人見蓋進食之時暗中已嚙一左小指也守節三十六年同治六年卒年六十一光緒二十三年旌

剡源鄉志

卷十四

列女傳

三

丹山赤水桐天
剡源草堂印行

單氏塔下曹章淇妻年二十七夫亡堂上一老悲不自勝單以老老幼幼自任二老乃轉悲爲喜其紡績之勤逾恒婦數倍守節四十三年同治七年卒年六十九光緒二十三年旌

戴氏石橋頭汪述宰妻年三十二夫亡守節三十五年同治七年卒年六十六光緒二十四年憲旌

任氏西魏康佳耦妻年二十八夫亡守節四十一年先是道光中歲大稔翁積穀百餘石欲昂其價任曰如此奇荒縱不能賑給奈何不平價以糶乎翁感其言卒平其價人爭誦之同治八年卒年六十八光緒二十四年旌

張氏康嶺康佳詣妻年二十一夫亡飲泣吞聲奉姑極孝夫兄欲奪其志張以死自誓守節三十八年同治八年卒年五十八光緒二十四年旌

俞氏董村竺藩欽妻年二十八夫亡守節四十年先是其兄欲奪而嫁之俞曰我去蟠蟠者與呱呱者俱死矣不如我先死兄乃止後撫孤成立同治八年卒年六十

七光緒二十三年旌

王氏高畧張總甲妻年三十一夫亡守節四十一年同治九年卒年七十一光緒二十四年憲旌

毛氏榆林陳繼饒妻年二十五夫亡不時慟哭聞姑哭即止勤於紡績日食一粥而奉姑則無日不甘旨撫猶子成立守節四十年同治九年卒年六十四道光中邑令以矢志完貞獎之光緒二十三年旌

毛氏三石陳嗣殷妻年二十九夫亡與姑同寢處道光十三年冬大稔升米五十文無所得食大雪連日姑餓二日毛已餓四日冒雪登山采掘草根一舉耜忽見一瓶啓視之白銀也攜以奉姑稱之得一兩五錢人咸以爲天賜節婦云守節四十年同治九年卒年六十八光緒二十三年旌

王氏巖頭油茅舉毛榮圻妻年十九于歸不一年樂圻將卒謂王曰汝年少宜自爲計王曰今不可言他日黃泉下相見可也然家赤貧翁又善病王與姑朝夕紡績

剡源鄉志

卷十四

列女傳

四

丹山赤水洞天
剡曲草堂印行

僅足供二人饘粥王恒一旬九餐卒無怨言翁歿王雇舉榷者四人已則負土成墳姑歿亦如之撫猶子成立同治九年卒至半日忽張目語曰我五十七年前之言可以踐矣語畢而目瞑同治末以節孝旌崇祀節孝祠

徐氏三石趙義強妻年二十一夫遭危疾亡舅姑悲慟不食徐曰夫雖亡媳在猶夫在也毋戚戚焉以婦道代子職鄉里稱其孝撫嗣子如己出道光中疫染一鄉徐家獨無恙見族人即幼二三輩者亦起立守節歷七十年之久同治九年卒壽至九十歲道光二十年當道題曰冰霜勵節蓋實錄也其孫智忠業儒年二十六卒孫婦毛氏年裁三十其事堂上得曾姑之遺範教子文繼成邑諸生光緒二十三年均由總局請旌毛氏民國元年卒年七十三

趙節母毛氏譜傳節母毛氏系出同里望族年二十一歸趙君宗漢趙君少節母四歲至年二十五不幸以幼學早卒節母年僅二十九耳當是時長男文繼僅六歲次男文紱僅三歲祖姑及君舅君姑俱在堂所恃以供事者止薄田數畝而節母善事堂上以孝聞且不忍以夫喪傷親志時勸慰之至其督課諸兒日以勤學爲勸董無負遺命束脩之敬多出自織紉不稍吝拮据有無數十年如一日自文繼充博士弟子員始傳家事於諸子而節母年亦老矣節母性不佞佛而絕好

施予凡鄉里有貧乏告者無不滿其意以去蓋其德言容功雖嗣子有不
能盡述者矣節母卒於民國元年舊歷十月十六日壽蓋七十有三云
民史氏曰當節母之未亡也趙丈醉仙已采入源鄉志矣以為不改其曾祖母
之風蓋後先輝映非偶然也兩浙節孝總祠創於前清道光末年而燬於咸豐兵
燹至光緒二十一年以祠址涉訟而人始知有省局採訪節母之報亦正在後數
年然則此一誤也雖謂諸節孝由彼表揚可知也余今者承乏祠役告成有日矣采
訪之事將由此發軔焉文繼嘗從余受經矣節母之賢烏能
已於言耶中華民國五年六月既望通家侍生同邑孫鏞謹識

陳氏水碓頭儒士夏升洪妻年二十六夫亡夫兄誘其改志夜為鬼祟以怖之陳知

其偽心如鐵石守節五十五年同治十年卒年八十光緒二十三年旌

夏氏三石陳賢集妻來歸時端莊寡言笑侍奉舅姑十年年三十五夫將亡屬之曰

吾父讀書垂六十年而不得一衿齋志以歿汝能為我教子成名乎夏諾之乃命

子錦從夫兄賢佐遊雖酷暑嚴寒之夜必以紡績助其讀錦稍倦即曰汝且讀吾

伴汝也族中幼二三輩者夏皆稱之曰哥其謙如此同治十一年卒年八十五咸

豐中儒學願獎曰雪柏霜筠錦附貢生孫濟靈府學生育姜衍縣學生曾孫宗器

府學生宗華縣學生人以爲節孝之報云

剡源鄉志

卷十四

列女傳

五

丹山赤水洞天
剡曲草堂印行

趙需濤陳太師母夏太夫人傳太夫人姓夏氏年十八歸陳太師公之女也生而
婉婉無疾言無色戚屬咸慕且敬焉年十八歸陳太師公之女也生而
姑均乘養太夫人與兩兄同居大儒人理內政半米寸薪必珍戒而家以漸
興無何元公分憂太夫人與兩兄同居大儒人理內政半米寸薪必珍戒而家以漸
未亡人何為業師也季諱嗣銳而世太夫人二其俱幼稱太夫人長諱錦字經生號
蓉堂即濤受業師也季諱嗣銳而世太夫人二其俱幼稱太夫人長諱錦字經生號
辛百苦隨不備外復慮門戶之墜也思有以備之出則長子保以課農子入則
墨林孤子紀之越道亡者於地而下難漏下至宵以疾卒悲夫尺常猶不絕其力學攻苦
撫手經紀之越道亡者於地而下難漏下至宵以疾卒悲夫尺常猶不絕其力學攻苦
火資學舉出以文太儒人雅不願舉比為生徒講解與義我下惟恐其倦今日鄉
補縣學生員自文章樹人雅不願舉比為生徒講解與義我下惟恐其倦今日鄉
學子皆當時四坐風堂蕭灑執經受業不數載而夫子又援例疾卒太師成內成
於吾祖祠之四美堂蕭灑執經受業不數載而夫子又援例疾卒太師成內成
年同治三年申六月十七日相繼以卒壽八十八有五孫五人長孺人靈府已七十云
次成瑜成瑜成瑜幼育亦克繩祖武者跡太師人矣相見猶女稱紅不釋手濟靈
然露頭角宗華幼歲亦克繩祖武者跡太師人矣相見猶女稱紅不釋手濟靈
彌堅其名故人終其未嘗有幾微怒容晚先族姪循循然振女稱紅不釋手濟靈
呼其其少故終其未嘗有幾微怒容晚先族姪循循然振女稱紅不釋手濟靈
厲其其少故終其未嘗有幾微怒容晚先族姪循循然振女稱紅不釋手濟靈
矣其其少故終其未嘗有幾微怒容晚先族姪循循然振女稱紅不釋手濟靈
重其其少故終其未嘗有幾微怒容晚先族姪循循然振女稱紅不釋手濟靈
史傳所乘濟靈總其故事不致太以人陋辭謹論次之備伏惟他日收色志者之探採焉

光緒元年六月

單氏住嶺胡盛淇妻年三十二夫亡以節操自勵性好施凡橋梁道路之助資稱量以與無德色亦無倦色人以爲難守節三十五年儒學梅以松筠節操獎之同治十一年卒年六十六光緒二十四年憲旌

單氏塔下曹肇鈺妻年二十五夫亡誓不更夫一家三十餘口中饋之事以身先之凡事咨而後行諸婦姒爭效尤焉而家以漸裕守節二十八年終身未嘗御鉛華也同治十一年卒年五十三肇鈺弟肇錦妻陳氏年三十夫亡與伯姒單氏後先合德守節二十七年光緒九年卒年五十六光緒二十三年均旌

張氏下蹕駐僧生宋曾統妻年二十二夫亡翁性嚴姑主內政尤峻肅氏事之皆得其歡心且以婦代子以母兼父使泉下人無遺憾守節六十八年同治十一年卒年八十九道光十四年以節孝旌崇祀節孝祠

陳氏楊墅徐亨遠妻幼循禮法事父母以孝聞年二十于歸甫及四載夫染疾陳衣

剡源鄉志

卷十四

宗祠

六

丹山赤水洞天
剡曲草堂印行

不解帶調理數月夫亡陳含淚忍哀喪葬盡禮且善養邁姑與妯娌終身無詬諍聲撫猶子成立授室後率婦躬勤織紉夜半機杼之聲不輟守節五十二年同治十二年卒年七十五光緒二十三年旌

孫氏董村僧生竺觀水妻年三十一夫亡守節三十三年同治十三年卒年六十三光緒初邑令王以冰霜節操獎之

竺氏公塘唐肇宏妻年二十一夫亡守節五十二年撫猶子成立白首無二同治十三年卒年七十六光緒二十四年旌

毛氏榆林陳智桓妻年二十六夫亡家赤貧僅得殯殮氏忍餓負土爲墳數日而成祥即矢志不移以紡績養其姑撫姪爲子俾之成立守節五十二年同治十三年卒年七十七光緒二十三年旌

張氏柏阮陳宗雅妻年二十歸陳越二歲宗雅卒時有憐其青年無嗣勸之別適者張曰婦人之義從一而終若再醮雖覩然人面猶禽獸也侃侃剛直自持不苟常

負耒耨園以守節終

張氏康嶺康才華妻年二十九夫亡卽營生壙於夫側以示同穴之意守節四十八年光緒元年卒年七十六二十四年旌

張氏董村僧生竺自耐妻年三十夫將亡謂張曰老母幼子惟汝是賴矣張泣諾之不一年其兄欲奪其志有成說矣張大呼其夫臨歿之言以自誓兄謀頓沮張遂終身不至其家光緒元年卒年六十九徐學憲獎曰松筠節操二十三年旌

張氏石門諸生毛瀛海妻夫赴鄉闈場中染疾歸家月餘捐館時氏年二十六子猶未育翁姑皆在堂與伯叔同井共炊張奉事舅姑伯叔循循禮經之文家貧日夕紡績撫猶子成立守節五十七年光緒元年卒年八十二道光甲辰府憲徐獎之光緒二十三年旌

王氏六詔孫業定妻年三十一夫亡伯氏利其產逼之嫁王曰妾與伯同居如何若立繼一節任伯主張可也伯中止守節十六年光緒元年卒年四十六二十四年

剡源鄉志

卷十四

列女傳

七

丹山赤水洞天
剡曲草堂印行

憲旌

葛氏石門水塘灣毛德容妻年十七于歸二十一夫亡守節三十七年光緒元年卒年五十八

毛氏馬村張志武妻年三十五夫亡守節四十六年光緒元年卒年八十歲二十四年憲旌

王氏董村諸生竺起鳳妻年三十夫亡鉛膏不御撫二孤成立翁姑同年歿衰服三年之外更服三年殆所謂孀居永日蓬首經年者守節二十四年光緒二年卒年五十三二十三年旌

汪氏楊墅徐亨武繼妻夫病頸汪百藥醫治終不效將及一年籲天請代者數四及歿汪年二十九撫孤成立晚年思夫抑鬱得失心之證而卒時光緒二年也年六十二二十三年旌

張氏西山頭陳禮訓妻年三十二夫亡守節二十六年光緒三年卒年六十七儒學

張以節比松筠獎之

竺氏巖阮王天士妻年二十五夫亡矢志守節綜理內政巨細不遺遺孤及諸叔俱年幼竺均撫養之俾各成立光緒三年卒年四十六二十三年旌

王氏住嶺胡美含妻年二十八夫亡入則泣血柴立茹藥自盟出則養親撫孤怡聲疊疊益屏去華飾治家事咸修整光緒三年卒年八十歲二十三年旌

唐氏毛家灘王道揆妻生而幽閒未及笄遠近爭聘之後歸道揆越數年道揆病年餘而亡氏時年二十三以守節自誓撫猶子如己出光緒三年卒年七十四二十三年旌

王氏巖頭份生毛仁美妻年十八夫亡勸翁再娶後生二子王撫養成立叔氏稍長王即別居以遠嫌其操內政習酒漿鹽豉之屬靡不精工守節近六十年至白首時宗黨尙有不識其面者光緒三年卒年七十四歲二十三年旌

王氏董村份生竺政倍妻年二十九夫亡守節三十八年光緒四年卒年六十五歲

剡源鄉志

卷十四

列女傳

八

丹山赤水洞天
剡曲草堂印行

二十三年旌

周氏石門毛德哀妻年三十五夫亡守節五十一年光緒四年卒年八十五道光二十八年府憲徐以節義綿宗獎之孫開恒入郡庠

王氏石門諸生毛榮汝妻年三十三夫亡守節四十六年光緒五年卒年七十八二十四年憲旌

王氏下蹕駐僧生宋思維妻知州鱗飛之妹王生自名門素嫻禮訓年十八于歸自始饋卽得二老之歡心夫得嘔血證王曰血之上行是逆流也君能處以靜鎮則氣平氣平血亦平何嘔之有若徒恃藥餌無益也醫者聞之服其精妙夫歿年二十五嚙指自誓理家政內外肅然而寒暑絺絜僅給而止當粵匪擾鄉時嘗夜至山間失足滾身而下忽空中有黑臉神以鏡照之得攀援而上既至山頂神忽不見守節三十二年光緒七年卒年五十六歲二十三年旌

李氏公塘唐肇庚妻年二十八夫亡矢志無他時適粵匪復竄奉氏恐夫棺爲賊所

燬急覓人湯葬之守節二十年光緒七年卒年四十七歲二十四年旌

竺氏馬村諸生張秉瑜妻武舉衛清女年三十夫亡姑性嚴厲不以言色假人竺柔
聲怡色未嘗少拂其意守節四十六年光緒七年卒年七十一歲二十四年旌

周氏馬村張立姪妻年三十四夫亡守節三十二年光緒七年卒年六十五歲二十
四年憲旌

王氏後董董魯俊妻年二十九夫亡食淡攻苦暗自飲泣先是夫兄欲奪其志王不
可至以訛言相誣王終不爲動夫兄向王言曰汝心堅如石不可得而轉也吾過
矣拜而謝之王曰不汝校也守節五十四年光緒八年卒年八十二歲二十四年
旌

單氏石門毛茂室妻年二十二夫亡屢欲自裁姑曰汝若死賸我一人我亦死矣乃
截髮自誓守節四十九年光緒八年卒年七十歲二十三年旌

宋氏榆林陳承瑞繼妻年三十三夫亡二子俱襁褓且前妻亦遺有三子宋撫養之

剡源鄉志

卷十四

列女傳

九

丹山赤水洞天
剡曲草堂印行

一如己子至五子成立各授以室其聘資皆從紡績中來也守節二十一年光緒
八年卒年五十二歲二十四年憲旌

竺氏許家岸張文人妻年三十五夫亡守節二十八年光緒八年卒年七十五歲二
十四年憲旌

康氏石門毛謙遵妻年二十九夫亡守節三十三年先是夫業儒不得志於有司齋
志而卒遺幼女三人翁姑日夕悲號康毀容自誓曲體翁姑之心遂撫猶子桂清
爲嗣僅兩週康旦夕紡績婚嫁以次而畢教子讀書不使有須臾之間卒成郡諸
生光緒九年卒年六十一歲二十三年旌

徐氏石門毛縻秩妻生而貞靜笑談不苟年二十于歸未至四年而夫亡與姑同室
而處形影相弔跣步間未嘗或離也守節五十九年光緒九年卒年八十一先時
道光二十八年府憲徐以冰清玉潔獎之至光緒二十三年旌

周氏董村竺昌峙妻年二十九夫亡上事尊章下撫猶子孝慈兼盡以紡績終其身

守節五十一年光緒十年卒年七十九歲二十三年旌

孫氏三石陳嗣和妻年二十九夫亡越三月翁又歿孫哭泣嚶嚶閱一年而畢葬一日庭中花赤者盡變爲白俄有一白鳥哀鳴三日而去問之博古者亦不識此鳥爲何名云守節四十七年光緒十一年卒年七十五歲二十三年旌

陳氏巖頭毛榮科妻年二十六夫亡毀容守節至六十餘年之久而冰霜之操愈老愈堅光緒十一年卒年八十九歲二十三年旌

陳氏石門毛榮剛妻年二十五夫亡子未週歲女亦幼小以養以教至於成立且命子以習醫活人盛稱於時守節四十九年光緒十一年卒年七十三歲二十三年旌

陳氏三石何利鏞妻年三十四夫亡家赤貧喪葬無所出陳竭蹶將事一年而後畢撫孤成立晚年子勸其加餐陳曰吾當年三日不食者一年十數次今幸溫飽敢多食耶守節五十一年光緒十一年卒年八十四歲二十四年憲旌

剡源鄉志

卷十四

列女傳

十

丹山赤水洞天
剡曲草堂印行

毛氏三石何文學妻年二十六夫亡上事尊章色養兼至守節五十五年一日忽不自持以刀斫案曰此念胡爲來哉其晚年自述如此光緒十一年卒年八十歲二十三年旌

陳氏沙隄樊忠學妻年十九夫亡對夫自誓每以弗逮事姑爲恨奉翁甚孝撫猶子篤於恩勤待婦每多恕辭易簀前數月夢其夫招之曰某月某日某時汝當與我同登仙籍醒告子婦羣以爲恍惚之言及期果口誦佛號合掌而逝不失時刻時光緒十二年十月初十也守節四十八年年六十六歲二十四年旌

蔣氏亭下單紹蘭妻年二十六夫殉粵逆之難守節二十六年光緒十二年卒年五十一鄉人稱爲一門忠節二十三年旌

毛氏三石何行璫妻年三十二夫亡守節光緒十二年卒年五十八行璫弟行理妻嚴氏年三十四夫亡與伯姒毛共矢冰操分爨後無以爲活嘗爲富室織布帛歸以時物獻舅姑銖積寸累卒至成家現年六十四均二十四年憲旌

以接凡言現
年者據光緒

邵氏董村竺自彬妻守節四十五年光緒十二年卒年七十八歲二十四年憲旌

單氏前畧陳世祿妻于歸時翁姑俱在單下氣怡聲雍雍如也越數年翁歿服將除姑又歿未幾夫遘危疾百藥莫效年三十夫亡所夕勤女紅三喪次第而畢熒熒子立與孤子形影相弔始終不變其志嘗建木橋以濟行人光緒十三年卒年五十八歲二十三年旌

鄔氏下蹕駐儒士宋思欽妻年二十七夫亡守節四十六年事翁姑以孝聞其姪孟撰年十二父母皆亡又有姊與妹鄔皆撫養之俾各婚嫁無異己出後孟撰於光緒五年卒越一年撰妻亦卒遺孤僅七歲女僅四歲時己分爨鄔亦撫養之同居一家教子餘善有歐母之風卒成邑諸生光緒十四年卒年七十二歲二十三年旌

壽婦曹氏三石何貞信妻義夫文光諸生應中之母光緒十五年卒年九十

剡源鄉志

卷十四

列女傳

十一

丹山赤水洞天
剡曲草堂印行

毛氏塔下曹人慈妻年二十五夫亡以守志自盟撫孤倍極慈祥一日忽不自持見孤子過其念頓息晚年向子婦述之無隱諱守節五十六年光緒十五年卒年八十歲二十三年旌

俞氏巖院王隆煥妻年二十三夫亡遺孤纔二歲卽對天以柏舟自誓其翁百計逼其改適俞心如鐵石不移甚至以訛言相誣終不爲動翁乃不與衣食之資俾之分爨俞惟拾人遺穗或採草根木皮以自給且刈薪自負而歸紡績至夜分而息每逢佳節必以時物饋翁姑其翁斥辱之終日乃已極人世未有之苦俞無不備嘗焉守節六十五年光緒十五年卒年八十七歲二十三年旌

樊氏巖頭儒士毛仁溥妻年二十九夫亡子才三歲家甚寒樊勤紡績忍艱辛撫孤成立守節三十七年光緒十六年卒年六十五歲二十三年旌

樊氏大畧毛仁興妻年二十九夫亡家赤貧翁姑年邁朝夕之奉樊以一身肩其任勞勩萬狀而甘旨未嘗少缺蓋樊嘗以糠粃自食也守節四十年光緒十六年卒

年六十八歲二十三年旌

唐氏北溪盧承寵妻年三十一夫病亟衣不解帶者三月禱神願以身代卒不應及歿屏去鉛華晝則紡績夕必飲冰水一杯其自勵如此守節四十五年光緒十六年卒年七十五歲二十四年憲旌

楊氏塔下曹人型妻生而婉婉年十八于歸奉姑甚謹年二十五夫亡一慟而絕其家將與夫並殮因心尙溫不果三日而甦家人問所見曰吾與夫同往至一殿見王者衣冠坐殿上旁列書吏皂隸夫跪前吾跪後王者論夫曰此合死叱之出吾近前復諭曰此婦有一點孝心何爲攝之來放之蓋楊將死時曾轉吾姑何以爲活之一念也一縷之思能感動神明如此守節五十八年光緒十八年卒年八十三歲二十三年旌

毛氏三石陳賢彬妻年三十一夫亡邁翁患風痺不能起牀褥毛親滌穢惡絕不怨言遺田不上一畝中年僅二月之糧毛沐風櫛雨自刈自穫惟雇一人耕種而已

剡源鄉志

卷十四

列女

十一

丹山赤水洞天
剡曲草堂印行

火不再舉而翁之菽水悉從十指間出鄉人以爲難守節四十二年光緒十八年卒年七十二歲二十四年憲旌

張氏康嶺康佳尙妻年十五歸康結縭才三載夫得瘵疾每夕默禱竈神前願減己算如是者二月卒不應夫歿年十八截髮自誓善承翁姑意旨令繼子時刻不離翁姑左右若令其不知有思子之悲者守節五十七年光緒十九年卒年七十五歲二十四年旌

方氏張家阮毛謙楷妻年二十七夫亡喪葬盡禮事繼姑曲盡婦道且樂於好施有外侮入悉含忍之現年六十弟謙模妻金氏年三十夫亡遺孤恭寬恭元俱幼金撫養成立因謙楷乏嗣例以一子後夫兄而恭元啞不能言以恭寬後伯氏啞者留爲夫後金自教之人以爲難母家貧其服食皆金遣人送之其後喪葬之費亦出自金兄弟子姪皆金資養臨卒貧家負欠命子悉焚其券光緒十九年卒年五十俱二十三年旌

江氏石門毛茂光妻年十八歸茂光至二十一歲夫亡守節二十七年光緒十九年卒年四十七

趙氏三石新城教諭青照孫女西魏樊厚仁妻入門彬彬有禮年二十三夫亡以守志自誓翁姑嘗青眼視之不以勤苦役使憐其寡也而趙日夜操作終年未嘗有一日之暇或勸其暫息趙曰吾為家婦不以身先之諸娣效尤家政隳矣守節五十六年光緒二十年卒年七十八歲同里歲貢張錦文為作節孝傳二十四年旌

張錦文樊母趙婦人節孝傳樊老伯母趙婦人者孝廉青照先生之孫女茂才占洞應年先生之堂姊也幼養於樊門年二十始與再雍公行合禮論四年再雍公不忍一日翁若姑見其廢衣盡是血淚夫乃知婦人之言笑啞啞者恐婦人明之痛則婦人之節而更以孝聞固不獨冬夏溫清安膳問視已也夫夫有彈梁別鵠非不矢志靡他而日夜哭泣甚至作色於翁姑前者又有修柏舟之志以爲莫大也也孺人年七十八始赴瑤池之宴光緒二十四年由其子江節孝總局轉詳撫憲彙奏請旌載志入祠刻源鄉志有傳其子能真即其叔再生之長子入識者也業儒文名藉甚羣謂月殿中人其孫家模從余遊適常家乘重修邀余作傳以備輶軒之采余爲之紀其始末云光緒二十四年戊戌四月

剡源鄉志

卷十四

列女傳

十三

丹山赤水洞天
剡山草堂印行

竺氏俞村俞乾月妻年二十九夫亡遺孤才四齡適姑患風痺竺滌中幫厠諭至扶掖洩溺者二年無倦色守節三十二年光緒二十年卒年六十歲二十三年旌

壽婦單氏馬村張志沛妻光緒二十二年卒年九十四歲先是志沛無子納妾梁氏復撫猶子立校爲嗣梁侍志沛越九年而志沛卒時年二十九明年立校亦卒又明年立校妻又卒而立校之子望火猶在懷抱家無長物三喪相繼拮据莫可名狀梁事嫡單氏如母每逢天寒時以身溫被待熱而後已撫望火如己出不出一怨懟之言光緒二十年卒年六十四守節三十六年梁氏二十三年旌

何氏三石趙智勇妻年三十一智勇與人口角自經於柏院染店中羣欲以威逼致死索詐何泣曰夫之死妾已不幸無勞此陰鷲之錢棺殮也况彼必破家而妾之所得無幾君等能妙手空空乎後姑與翁不相得何調停其間姑出言無狀何默默自處奉養益虔守節二十八年光緒二十年卒年五十八歲二十四年憲旌

洪氏下蹕駐監生宋曾忍妻年三十一夫亡守節四十年光緒二十一年卒年七十

歲學憲潘以彤管流芳獎之孫浩縣學生有文名

鄧黃家來晚宋節詩我聞史源奉節高族稱佳婦入侍帶昔年矢志... 則食報昌厥後溯自少習女史... 羅漿酒四德兼備古依歎誰謂... 君于子役不時還惟九原不可... 孩藐焉孤節對此如河不淚落... 心誓天比節衡共姜鞠育孤女... 何堪涕泗滂沱况復自卑終令... 北堂皇省雖高聽自卓終令德... 日振早蠶苦節終宜百福卓稱... 錫以榮與節終宜百福卓稱... 祀事崇而令丹旌將千啓路共... 黃兆行潔比玉無取一室宜如... 模百行潔比玉無取一室宜如... 茹痛心懸所皎月暹撤環瑣學... 凡卉心懸所皎月暹撤環瑣學... 屈適符齊氏桂盈遠瑞氣又添... 春正麗陳情草表遠瑞氣又添... 而令書母登古稀養堂正看延... 慶值初黃遠登古稀養堂正看延... 師行幾聞之無皆大筆泐傳至... 抵行幾聞之無皆大筆泐傳至...

刻源鄉志

卷十四

列女傳

十四

丹山赤水洞天 刻曲草堂印行

慈比隆母出詩萬里行人沙漢先人廣平公雙樓八載後人衰替... 與節所及雲神所願孫曾頭角蘭桂茂九重恩詔予祠祭今儀旌表... 善企而及雲神所願孫曾頭角蘭桂茂九重恩詔予祠祭今儀旌表... 然容粉飾工人聲色已不動吾願四十年白髮自勉食報定非止... 豈容粉飾工人聲色已不動吾願四十年白髮自勉食報定非止... 深衷我庶幾人頹如... 賦梅亭堂留慈蔭芝蘭毓位配長生相華爭奈除雲雨... 新昌呂夷和詩三從蘭毓位配長生相華爭奈除雲雨... 昌占亭志勵堅冰節傲霜霖雨瀟瀟湘水永流芳... 昌占亭志勵堅冰節傲霜霖雨瀟瀟湘水永流芳... 來倍德昭宜瓜葛欣馨香百世傳道慈雲今福際令經廢柏... 霜倍德昭宜瓜葛欣馨香百世傳道慈雲今福際令經廢柏... 楊占登詩雪柏霜松天玉成册大年孤苦擬寒椒倚闥眉斷... 楊占登詩雪柏霜松天玉成册大年孤苦擬寒椒倚闥眉斷... 盟史乘蘭揚崇國典孫成册大年孤苦擬寒椒倚闥眉斷... 盟史乘蘭揚崇國典孫成册大年孤苦擬寒椒倚闥眉斷... 共妾什畫中仙傳歐母賢千古芳華... 共妾什畫中仙傳歐母賢千古芳華... 一夕宗寒芒仰共風前重獨抱滿目... 一夕宗寒芒仰共風前重獨抱滿目... 壽相濟自歸沈西挽三島頓使招魂... 壽相濟自歸沈西挽三島頓使招魂... 北越詩自歸沈西挽三島頓使招魂... 北越詩自歸沈西挽三島頓使招魂... 孫承賦詩遺徹怡久日返十年... 孫承賦詩遺徹怡久日返十年... 妍承賦詩遺徹怡久日返十年... 妍承賦詩遺徹怡久日返十年...

蹕山空猿鳥啼幸樹暮烟橫女一星明柏舟早敬共姜志綽楔難揚陶母名鶴駕蓬壺
仙島冷烏啼幸樹暮烟橫女一星明柏舟早敬共姜志綽楔難揚陶母名鶴駕蓬壺
絃忽驟雲鶴駕又登仙半生竹柏霜前晚歲芝蘭雪後天噉蔗甘餘春日水如茶
苦憶暮雲邊哀歌薤露音微遠九曲寒流咽劍川露冷霜清總帳寒松筠竹節
忽摧殘招魂只恨三山隔執紼憑誰一路看紫闕回翔瞻鶴背青年辛苦記熊丸
銘旌此日飄搖處應是乾坤正氣完久欽形管有加光淑問海堪表一鄉集蓼
深情只堅忍焚芝餘更馨香萱堂此後無重蔭菜
室他時早斷腸會向真珉勒佳傳好將閱範達天關

李氏亭下單孝棠妻年三十四夫亡守節二十八年光緒二十二年卒年六十一

王氏亭下單紹康妻逮事太姑兩世得其歡心年二十四夫亡誓死不移其志搆持

門戶及重闈相繼歿竭貲治喪葬之禮絲菽粒聚以克有家守節二十五年光緒

二十二年卒年五十八歲二十三年旌

王氏巖頭儒士毛恭軾妻年二十六夫亡事邁姑甚虔姑亦甚愛之姑亡不勝哀悼

教子有義方持家有儉德且厚恤奴僕禮待姻黨其言笑不苟舉止甚端又若有

出於性天者光緒二十二年卒年三十八歲二十三年旌

王氏馬村張立容妻年三十夫亡勤紡績以教育其子其幼女頗不凡擇士人子嫁

剡源鄉志

卷十四

列女傳

十五

丹山赤水洞天

剡曲草堂印行

之卒成名士家僅薄田數畝性好施與守節二十六年光緒二十二年卒年五十

五歲二十三年旌

壽婦沈氏董村檫樹岡竺藩池妻光緒二十二卒年百二歲先二年由縣給匾曰萱

室延年

江氏石門毛榮傑妻年二十八夫亡遺孤僅十月恩勤倍至且諸姪皆其所撫育姊

姒間無嘻嗃之聲事繼姑時其飲食起居數十年不少衰光緒二十二年卒年六

十九歲二十三年旌

何氏董村竺商經妻年三十夫亡守節光緒二十三年卒年七十四是年旌

張氏石門毛榮華妻年三十四夫亡守節光緒二十四年卒年六十五憲旌

陳氏石門毛謙墀妻年三十五夫亡守節現年八十八

凡言現年者據光緒二十八年言也

王氏巖頭毛恭燾妻年三十一夫亡以守志自誓雖不出戶庭而外侮卒莫敢入課

督二孤儼如嚴父現年八十七

傅氏董村郡庠竺錦標妻年二十七夫亡守節光緒二十三年旌現年八十四

曹氏巖頭毛仁徽妻年三十二夫亡守節現年八十二

毛氏三石陳嗣成妻翁姑素嚴厲稍不當其意輒詬誶交加毛事事承順操作為諸

娣姒先一家二十口視毛之行止為動靜年三十二夫亡守節現年八十一

康氏樟墅毛治安妻年三十五夫亡守節現年八十一

張氏柏阮陳承照妻年三十四夫亡守節家貧如洗日日為入浣衣攜米粟以活老

稚現年七十八

趙氏柏阮陳世煖妻生有至性事父母以孝稱及歸世煖以事父母者事翁姑翁姑

亦愛若掌上珠年三十一夫亡守節光緒二十四年憲旌現年七十七

唐氏梨洲王登惠妻年二十九夫亡家赤貧誓無他志餐及草根木皮天寒刈薪十

指皸裂弗恤也或終日炊煙不舉志行愈厲光緒二十四年旌現年七十六

竺氏巖頭毛恭壽妻年三十夫亡遺孤上池幼竺督教甚嚴未弱冠院取副案竺反

刻源鄉志

卷十四

列女傳

十六

丹山赤水洞天

刻曲草堂印行

斥之不少假借未幾上池縣試冠其曹府試如之將院試病不能起後竟卒竺大

慟曰吾始終不渝其志者望孤兒成名以揚吾夫之名耳今若此命也光緒二十

三年旌現年七十四

汪氏下脚駐武庠宋陞三妻年三十二夫亡守節光緒二十四年憲旌現年七十四

周氏毛仁得繼妻年二十四夫亡守節誓無他志光緒二十四年旌現年七十三

趙氏柏阮陳宗訓繼妻年三十五夫亡守節光緒二十四年憲旌現年七十二

王氏馬村張望宰妻年三十二夫亡守節光緒二十四年憲旌現年七十二

王氏董村毛仁心妻年二十四夫亡翁姑深為嗣續憂王曰幸孕已三月未知命究

何如耳乃指門前青山而誓曰妾當與此山同不老也後果舉一子事翁姑數十

年無違言光緒二十三年旌現年七十六

竺乃寅王節母詩歲庚寅月乙酉毛君向余低稽首起言王孀人為我親慈母袖
出一編贈君集嘖嘖稱道其節守銘贊詩詞不一體文光陸離燦星斗備述冰霜
鐵石心懸懸懸懸而後走儒八年未葬德乘坤元厚十九歸仁心六載閨中友一
夕星沈驚孤飛死而後甦至八九呼天天無階可升地無門可叩二老蒼蒼

白髮垂四齡弱女難啟後遺娘在懷纔三月弄璋弄瓦未分剖後舉一子名繼安
淚不流兮血不嘔虔心撫兒女歡顏事姑舅寒燈夜雨勤紡績殘月曉風操井臼
婦兼子道非祭周內外言動俱不苟女嫁子事學諸孫列左右北堂忽開六秩筵
賓朋齊上盈觴酒一日旌門萬古榮龍錫鸞章騰紫綬我今欲調黃鶴歌惜口不
及嗷人口我今欲寫柏舟圖惜手不及丹青手俯仰人生天地間何者為無何者
有坤道無成代有終須知人死不可塢百鍊精心感鬼神蒼蒼者天終不負余贈
數語作爾歌得
名得壽傳不朽

唐氏斑溪董家職妻年三十五夫亡矢志無二事邁姑尤虔姑病痺六載唐每夜撫

摩視其熟睡而後已寒暑無間光緒二十四年憲旌現年七十一

王氏公塘唐緒口妻年三十五夫亡守節現年七十

張氏巖頭毛恭學妻年二十六夫亡遺孤長四齡次二齡三匝月兼之堂有一老張

上事下育靡不周到光緒二十三年旌現年七十

單氏倪家山竺震木妻震木往亭下鎮買米適郡城克復敗賊竄至挺身出鬪遂為

所害單乃以巾拭血縫其頸而合之且縫且泣哀動行路每夕必祝賊滅其義憤

之氣形於眉睫及聞兩浙肅清喜曰也有今日年三十守節夫為義民妻為節婦

剡源鄉志

卷十四

列女傳

十七

丹山赤水洞天
剡曲草堂印行

忠孝萃於一門矣光緒二十三年旌現年七十

周氏馬村張化鵬妻年三十五夫亡守節綜理家政井井有條光緒二十四年卒年

六十五子煥鴻祺均入成均炳成邑諸生

鄔氏下蹕駐布政司經歷宋思讓妻寡言笑重然諾翁姑相繼歿喪葬盡禮年三十

二夫亡縱理家政剛毅有分辨遇年荒平價以糶教子如嚴父長子孟韶以醫聞

於時次子國鈞成邑諸生鄔長齋號佛凡內典之書猶能琅琅成誦光緒二十二

年憲旌現年六十六

周氏董村竺蘭芳妻年二十七夫亡守節光緒二十三年旌現年六十八

毛氏董村竺藩渚妻年二十五夫被粵匪擄去禱神問卜終不得其影響日夕不安

如醉如癡者數年迨東南肅清乃定四月十四日為夫諱日招魂發喪取衣冠而

葬之至其哭泣之哀行路者不忍聞光緒二十三年旌現年六十八

戴氏石門大山毛恭敬妻年二十四夫亡持一刀惺惺達曙婦女有行污不潔者絕

不與談每痛夫輒自暗泣門內整肅無譁笑者光緒二十三年旌現年六十八
陳氏巖頭毛榮貴妻年二十九夫亡誓不再適每謂婦人觀劇惟爛柯山不可不一
觀人以爲至言光緒二十三年旌現年六十八

王氏石門石柱墳灣毛榮義妻年二十三夫亡守節光緒二十四年憲旌現年六十
七

張氏高輿王天遴妻生稟淑質及笄歸天遴處家務井井有條越五年天遴得瘵疾
張湯藥之奉昕夕弗懈焚香籲天幾近二年天遴卒張年二十七指天自誓仰事
俯育白首一節光緒二十三年旌現年六十七

李氏亭下單孝棠妻年三十四夫亡守節光緒二十四年憲旌現年六十七

陸氏巖頭毛繼常妻年三十一舅卒越數月夫亡遺孤三疊遭兩喪哭泣盡哀家頗
饒親疏覬覦而陸事姑撫孤兀然不動現年六十六長子秀立妻孫氏廿二歲而
寡勤儉持家教子思誠成郡廩生現年五十次子貴立妻單氏廿五歲而寡撫姪

剡源鄉志

卷十四

列女傳

十八

丹山赤水桐天
剡曲草堂印行

爲子持長齋終身現年四十八姑婦並勵苦志人稱毛氏三節

王氏沈家巖俞道榮妻年十四適俞事翁姑相夫子俱彬彬有禮人皆以爲俞氏得
賢婦矣年二十二夫亡守節光緒二十三年旌現年六十五

江氏石門毛茂根妻年三十一夫亡守節光緒二十四年憲旌現年六十五

張氏巖阮王兆安妻年三十夫亡遺孤未及旬日張病產之後繼以哭泣不食數日
幾至毀身上事下撫勤勞倍至光緒二十三年旌現年六十五

王氏柏阮陳世焜妻年二十一夫亡後一月生子家無長物翁素有疾王夜則紡績
日則挑野菜以收豬蓬頭垢面勿顧也或曰何自苦如此王曰夫卒之日吾嘗對
天以自誓人可欺天可欺乎光緒二十三年旌現年六十五

張氏董村竺自瑜妻年二十五夫亡家赤貧上事下撫辛苦萬狀冰蘖之操至老不
衰今家已小康皆張銖積寸累經營而得之者而紡績之事猶未嘗釋手光緒二
十三年旌現年六十四

唐氏董村竺商美妻年二十九夫亡奉舅姑育幼子惟勤紡績以佐甘旨復爲二子娶婦育孫光緒二十三年旌現年六十四

竺氏棲霞阮周道萃妻年三十四夫亡守節光緒二十四年憲旌現年六十四

徐氏石門駐巖毛榮木妻年三十一夫亡遺孤四人劬勞鞠育無微不至家赤貧嘗採草根木實以佐食而四孤者俾各成立俱授以室光緒二十四年憲旌現年六十四榮木弟榮松妻宋氏年二十九夫亡與伯妯徐氏同心守節辛苦萬狀安之泰然光緒二十三年旌現年六十三

王氏界嶺毛仁萊妻年三十五夫亡守節光緒二十四年憲旌現年六十四

孫氏三石趙禮良妻年三十四夫亡債臺累累孫晝織夜紡不三年而重負頓釋及翁歿孫伯叔三人族人憐其寡俾三人分承之孫以爲不可曰譬翁姑祇生妾夫其將誰諉况已有伯叔丁四之三妾若不承受其一無翁也其可乎羣踴其論姑歿亦如之後撫同曾祖之姪爲子督責綦嚴光緒二十四年憲旌現年六十四

剡源鄉志

卷十四

列女傳

十九

丹山赤水洞天
剡曲草堂印行

俞氏巖阮單春月

仁名志

妻年二十九夫亡俞性節儉粒米寸絲是珍是寶而家以漸

裕猶紡績不倦今子己生子繞膝多賢光緒二十三年旌現年六十三

王氏下蹕駐宋孟士妻年三十四夫亡守節光緒二十四年憲旌現年六十三

袁氏亭下俞汝誠繼妻年三十二夫亡守節紡績之外茹素繡佛妯娌間雍雍睦睦而督子綦嚴長子鳳岡成諸生光緒二十四年憲旌現年六十

王氏亭下單孝塔妻年二十一夫亡哭泣殯殮喪葬如禮哀動行路旋指嵩溪自誓曰所不與單氏相終始者有如此水撫猶子紹炳讀書砥礪廉隅冀其成就者大也光緒二十三年旌現年六十

胡氏巖阮王天紀妻年二十一夫亡無子以柏舟自誓茹茶飲苦里人罕見其面越數年翁姑相繼謝世喪葬咸盡禮家頗饒爭繼者二十餘人不得已請官定繼胥吏索費甚苛戚屬復中飽之家遂中落其繼子越二年始定爭繼之人以含血之言誣之胡吞聲飲泣而已鄰族紳士公保節孝即孔子所謂不曰白乎涅而不緇

者光緒二十三年旌現年五十九

曹氏石門水塘灣毛茂樸妻年十六適毛三十四歲夫亡守節現年五十九

孫氏亭下增生沈春芳妻生自儒家素嫻內則及笄于歸事二老惟謹惟慎姑卒終喪未嘗有笑容年三十一夫亡三子俱幼撫養成人樂善好施村中待以舉火者數家翁卒如喪姑而更慟蓋以觸其望夫之意也光緒二十四年憲旌現年五十八

黃氏環潭王清生妻年三十五夫亡守節光緒二十四年憲旌現年五十六

吳氏巖頭塔裏阮毛仁寶妻年三十四夫亡守節光緒二十四年憲旌現年五十六

王氏馬村張寶水妻年二十九夫亡守節光緒二十三年旌現年五十六

周氏石門毛榮韶妻年二十七夫亡子未週歲周毀容守節矢志靡他教子甚嚴自奉甚儉光緒二十三年旌現年五十六

毛氏塔下康運根妻年三十二夫亡無以爲活或有以改適諷者毛以死自誓每至

剡源鄉志

卷十四

列女傳

二十一

丹山赤水洞天
剡曲草堂印行

絕粒族姓無有相恤者乃攜幼子爲人傭婦勤操倍常富家厚其直翁姑得以給

醴粥厥後喪葬之費皆毛一手經紀之光緒二十四年憲旌現年五十六

竺氏榆林毛懷金妻年三十一夫亡守節光緒二十四年憲旌現年五十六

張氏沈家巖俞從御妻年三十五夫亡守節光緒二十四年憲旌現年五十六

毛氏榆林陳世忠妻年二十八夫亡撫猶子爲嗣勤儉逾恒嚴冬無被常抱子於懷以坐至天明其辛苦大率類是光緒二十三年旌現年五十五

張氏公塘唐緒枝妻年二十二歸唐唐得急證而亡張對天自誓遺腹生子乃倫張與姑愛若掌珠乃倫三歲忽遭危疾目合口開勢已不救姑媳向天叩頭不已有術士至其門問病狀曰少少痛癢何驚怪也我能愈之但愈須厚酬耳姑媳泣曰諾術士摩撫其頂以針針數處曰活矣霍然而啼將典簪珥以謝其人逕出門而去使人追之竟不知其踪跡光緒二十三年旌現年五十五

單氏棲霞阮王其誥妻年二十九夫亡上有二老下有二孤單日夜操作堂上之旨

甘不缺已常作糠餅以充飢現年五十四

王氏馬村張用望妻年二十于歸時夫已病篤不能起立扶掖成禮越一月卒王哀毀骨立以柏舟自誓有老嫗戲之曰成婚數十日而守節當比他人更難王曰吾身猶處女也老嫗謝以失言光緒二十三年旌現年五十四

呂氏下蹕駐例貢生宋曾慈妻其妻沈氏生四女呂生一女夫亡乏嗣以姪思嚶為後時呂年二十三沈憐其年輕撫之曰惟爾奈何答以家長繼嗣得人妾身藉此有依願事邁姑撫遺女誓無他志沈甚嘉之光緒二十七年旌現年五十三

楊氏縣中學堂畢業生巖頭毛學誠妻于歸後受學於縣城作新女學堂不二年能作問答論說上下學期大考均列優等首名時學誠赴杭就省城高等學堂考試旋以病歸未幾卒僅遺一女楊誓以身殉家人防之謹不得遂適太姑及姑哭學誠暈絕相率灌救楊遂乘間服瀆死時年二十四遠近哀之光緒三十三年甯紹台道張鴻順以舍生取義顏其門

○衡案此傳據奉化新志補

剡源鄉志 卷十四

列女傳

二十一

丹山赤水洞天 湖曲草堂印行

江迴為毛烈婦乞西江散人題詞先之以詩曾記韓家婦節奇又聞佳話出巖溪原非金石誰無死果是鴛鴦肯獨棲鄰喜文明收善果烈婦為作新女校學生

好將幼婦試新題兩揚芳烈輸彤管豈獨吟成字字悽
又揚女史徇夫歌女子死情亦已奇况復死情兼死義情深義重身為輕似此芳型談何易楊家有女稱幼慧居傍溪山得靈粹東牀選壻難其人覓得毛錐亦國器美哉位儷玉不如三生佳耦紅紫並頭花作連理開共命鳥自翮共踏山
世界中文明燕爾新昏愁溺志豈惟羊子媿妻言亦復文姬求識字翮共踏山
城容顏日願爭顧恨生嗒間益多一曲胡笳勤鼓吹齊旨已入藥無權相對朝
解容顏日願爭顧恨生嗒間益多一曲胡笳勤鼓吹齊旨已入藥無權相對朝
徒飲淚人生至苦訣別時黃鵠之睡從容就義良獨去不哀姑願已遂上有白
防守雖嚴無如何一呷斷腸共塔睡從容就義良獨去不哀姑願已遂上有白
髮下黃口人誰念當年非計女史之智當見此世願告采風莫輕議
世多恤婦人誰念當年非計女史之智當見此世願告采風莫輕議
王夢蘭女史執詩要得名香骨亦香紅顏偏具烈心腸子修文史携手同歸極樂
身悼未亡史執詩要得名香骨亦香紅顏偏具烈心腸子修文史携手同歸極樂
鄉善哭人間莫過修文共草上清書浩然正氣應無盡化作鵝恨有餘
車同穴不忘借老願修文共草上清書浩然正氣應無盡化作鵝恨有餘

族姪文繼校字